



Contact: Kasey Vannett  
USAID Sarajevo  
387-33-702-300  
Website: [www.usaid.ba](http://www.usaid.ba)

## FACT SHEET

### Pravna i regulatorna reforma

Kako Bosna i Hercegovina implementira tržišno orijentisane reforme, potrebno je da istovremeno dođe i do napretka na pravnom i regulatornom polju kako bi se omogućilo efikasno vršenje promjena. U cilju privlačenja investitora i dobivanja dugoročnih kredita koji će olakšati razvoj privatnog sektora, potrebno je da BiH demonstrira da ima pravedan i efikasan pravni sistem za rješavanje sporova. Američka vlada, putem Američke agencije za međunarodni razvoj (USAID) radi na rješavanju ovih pitanja putem projekata kreiranih da obezbijede pomoć u oblasti privrednog prava i refomi pravosuđa i tržišta rada.

USAID podržava prioritete američke vlade koji se odnose na unapređenje kapaciteta pravnog sektora vezano za nepristrano i ekspeditivno vođenje sporova i jačanje građanskog, upravnog i privrednog prava u BiH putem pomoći koja će doprinijeti da građani, preduzeća i organizacije imaju bolji pristup pravdi. Američka vlada je do sada obezbijedila preko milijardu dolara za podršku razvoja Bosne i Hercegovine.

Unapređenje mobilnosti radne snage ELMO  
(maj, 2006. – maj, 2010.)

budžet 12 miliona dolara  
Implementator: Bearing Point

Promoviranjem fleksibilnih i raznolikih oblika radnih odnosa i ugovora, USAID, putem projekta ELMO, radi sa lokalnim partnerima kako bi se reducirale barijere vezane za mobilnost radne snage u BiH i olakšalo fiskalno breme koje leži na malim i srednjim preduzećima. ELMO ima za cilj da izvrši tranziciju na elektronsko izvještavanje i obradu individualnih podataka koji se odnose na radni staž i uplatu doprinosa na platu. Drugi cilj ovog USAID-ovog projekta je unapređenje mobilnosti radne snage i povećanje fleksibilnosti tržišta rada putem



Radnici će imati koristi od ELMO-ovih reformi

oblika kolektivnog pregovaranja koji su prilagođeni tržišnoj ekonomiji. Unapređenjem kapaciteta izabranih inspekcija rada, ELMO će obezbijediti podršku lokalnim partnerima da osiguraju efikasnije pridržavanje i izvršavanje obaveza koje proističu iz zakona o radu

Pojednostavljinjanje aktivnosti izdavanja dozvola i režima inspekcije (SPIRA) budžet: 12,5 miliona dolara  
(septembar, 2005. – avgust, 2009.) Implementator: Chemonics International

Projekat SPIRA podržava nastojanja BiH da izvrši reformu i pojednostavljenje procedura koje se odnose na dozvole i inspekciju pri pokretanju preduzeća. Cilj ovog projekta je da malim i srednjim

preduzećima osigura bolji pristup tržištu putem smanjenja administrativnih prepreka za njihovu registraciju i rad. Na taj način SPIRA direktno podržava integraciju bh. ekonomskog prostora u evropsko tržište. SPIRA podržava akcije navedene u Evropskoj povelji za mala preduzeća tako što radi na sljedećim elementima: jeftinije i brže pokretanje firme, unapređenje legislativnog i regulatornog okruženja, poboljšana komunikacija između predstavnika vlasti i sektora malih preduzeća, veće i efikasnije prisustvo malih preduzeća na svim nivoima i bolji on-line pristup informacijama bitnim za proces poslovanja. Radeći na pojednostavljinju izdavanja građevinskih dozvola, SPIRA će nastojati osigurati da zakoni iz oblasti građevinarstva EU budu u potpunosti inkorporirani u bh. domaće standarde.

Projekat podrške regulatornom okviru i reformi energetskog sektora u BiH (REAP) budžet: 4,9 miliona \$ (mart, 2007. – mart, 2011.)      Implementator: Advanced Engineering Associates International

Energetski sektor u Bosni i Hercegovini je značajan faktor za razvoj privrede a isto tako i za reformu koju je potrebno provesti kako bi se BiH približila evropskim integracijama. Pored toga, reforma energetskog sektora je ključna za uvođenje više transparentnosti kao i smanjenje korupcije u ovom sektoru. REAP ima za cilj da pomogne BiH da izvrši potpunu integraciju energetskog sektora u regionalno i tržišta Evropske Unije i restrukturiranje i komercijalizaciju preduzeća ovog sektora. Konkretnе akcije koja treba poduzeti uključuju stvaranje usklađenog regulatornog prostora; uspostavu pravnog i regulatornog okvira za plin i liberalizaciju tržišta kako bi kupci i prodavci mogli kupovati električnu energiju po tržišnim principima.



Partnerstvo za unapređenje ekonomskih reformi (PARE)  
(mart 2008. – mart 2012.)

budžet: 7.6 miliona dolara  
Implementator: Chemonics

Cilj projekta PARE je da osigura tehničku pomoć u sektoru finansija. Kako bi obezbijedio ove usluge, projekat će raditi na bazi potreba, pri čemu će težiti da uspostavi radno partnerstvo sa učesnicima iz javnog i privatnog sektora kako bi se uvele ekonomске reforme koje će pomoći BiH na putu pridruživanja Evropskoj uniji. Konkretnije, cilj projekta PARE je: 1) da pomogne u oblasti reformi koje se odnose na bankarstvo, osiguranje, poslove Centralne banke, lizing, faktoring, reforme penzionog sistema i tržišta kapitala standardiziranjem propisa koji prate principe, standarde i najbolju praksu EU; 2) da sklapa partnerstvo sa predstavnicima parlamentarnih komisija kako bi se unaprijedio njihov kapacitet vršenja revizije i postupanja po preporukama entitetskog i državnog ureda za reviziju, kao i da se ojača kapacitet medija i ostalih čimbenika da efikasno objavljuju nalaze revizije i 3) da sklapa partnerstvo sa privatnim i javnim sektorom kako bi se kreirao bolji ambijent za efikasno finansijsko posredovanje (npr. uspostava ili izgradnja kapaciteta udruženja brokera za nekretnine, brokera za hipoteku i procjenit elja).

###